

## Aso Ono\_6

## O le Fusi Taai

A 'ia pa'ia le Ali'i le Atua i o 'outou loto. 'Ia saunia pea lava 'outou e tali atu ma le agamalū ma le mata'u 'iā i latou uma o ē fesili mai 'iā te 'outou i le uiga o le fa'amoemoe o lo'o 'iā te 'outou. 1 Peteru 3:15

O le taai o le fusi e faamau ai le ofu talaloa o le ositaulaga sili e iloa ai ua ofi lelei o ia i lona laei ma ua sauni mo le auaunaga. E faapena fo'i, le tatau ona tatou sauna i so o se taimi e auauna ma molimau atu.

O tagata o le Atua e tatau ona faapitoa lava o ni tagata e auauna atu atoa ia te Ia, i le loto atoa, e aunoa ma se faoa o le mamalu mo i latou, ae e manatua pea o i latou ua tuuina atu mo feagaiga faapitoa e auauna atu tau lava o le Atua. (*Christian Service*, p. 236)

O le a ea le auauna atu i le Atua? – O le foliga lea ia te Ia i Lana amio, o le faaa'oa'o ia te Ia. O le auauna i le Atua o le usita'i lea ia te Ia, ia tausi Ana poloaiga, ia faia se tautinoga e tu i lalo o le fu'a pisipisia i le toto o Perenise Emanuelu ae le o lalo o le fu'a uliuli o le sese tele. O i latou uma o e auauna i le Atua e pulunaunau ina ia usita'i atu i Lona finagalo. O le mea lea e latou te faailoa ai lava le itu tau o lo o latou iai. (*Signs of the Times*, Feb. 1, 1899, par. 3)

Po o le a lava le galuega o lo o tatou galulue ai, e a'oa'o i tatou e le upu a le Atua ina "aua ne i paiē i le pisinisi; ia maua le agaga tauivi; e tautua le Atua." "O a mea ua maua e ou lima e fai, ia faia ma le malosi atoa," "ma ia iloa e maua mai lava i le Alii le tau i o le tofi; ona sa e auauna i le Alii o Keriso." Roma 12:11; Failauga 9:10; Kolose 3:24. (*Christ's Object Lessons*, p. 346)

Ia sauna i so o se taimi e auvatu i isi le malamalama ua e maua. Ia faamautuina tulafono o lo o faavae ai au gaioiga; ia inoino i amio faalilolilo. Ia faailoa lou tagata moni; aua o oe o lo o fai ma maimoaga a le lalolagi, o agelu, faapea ma tagata. Aua le faatua'ia i ou tiute. E le mafai ona e auauna atu i le Atua ma Paala. E finagalo le Atua i Ona atalii ma afafine ina ia tu atu ma le loto toa mo le mea sa'o, ina ia iloa e le lalolagi le mea tonu e tu ai pe a o'o mai taimi o tofotofoga. (*Signs of the Times*, Aug.1, 1900, par. 4)

**Aso Ono\_6**

E finagalo le Atua mo oe ina ia avea ma se tasi e manumaloina se agaga: o le mea lea, a o e taumafai e faaofi atu a'oa'oga moni i tagata, e tatau ona e "sauni i so o se taimi e tali atu ma le agamalū ma le ava i so o se tagata e fesili atu pe se ā le uiga o le faamoemoe o lo o i totonu ia te oe." 1Peteru 3:15. Aisea e ava ai? E ava ina ne i nanamu atu ia au upu lou fia-tagata, pe o ni upu fo'i e le talafeagai, e le atagia mai ai Keriso. Ia mautu le fesootaiga ma Keriso ma faasoa atu le upu moni e pei ona faailoa mai i Lona soifua. (*Manual for Canvassers*, p.43)

'Ia fa'apea 'ona pupula atu lo 'outou malamalama i luma o tagata, 'ina 'ia latou iloa la 'outou amio lelei, latou te vivi'i atu ai i lo 'outou Tamā o i le lagi.

E finagalo le Atua mo tagata talitonu uma ina ia fai ma tagata e manumaloina agaga; ma o le a Ia faamanuia ia i latou uma o e saili ia te Ia mo le poto ma se taiala. A'o ō latou savavali ma le faaeteete i ala o le poto, ma tumau pea i le faamaoni i le Alii le Atua o Isaraelu, ua faaalua mai i ō latou uiga le mama ma le faigofie o Keriso ma o le a fai lea ma molimau i le moni o le iai o le amioatua i le tagata Kerisiano. E latou te viia le suafa o Lē o lo o latou auauna atu i ai, i mea uma lava latou te tautatala ai ma faatino.

O le tagata talitonu ua faatumuina i le agaga faamisionare moni, o se tusi lea e ola ma e iloa ma faitauina e tagata. E sau mai ona laugutu upu moni e aunoa ma se faafoliga. O lana amioatua ma le maelegā, faatasi ma ana faaiuga faapaiaina e tuputupu pea i aso uma, o le a vaaia ai e le lalolagi lē talitonu le soifuaga fesoota'i o lea tagata ma le Atua ma lana amio na a'oa'oina mai ia te Ia. O upu e tautala ai laugutu ua liūa e sautualua e le mana e pa'i ai i loto maalili o tagata le talitonu; aua e o'o lava i tagata latou te le iloa le Atua e mafai ona latou iloa le eseese o le faaletagata ma mea faaleatua.

O'u tuagane ma uso e, po ua e lagonaina ea le mana e faapaiaina ai o le upumoni paia i o outou loto, ma outou olaga, ma le amio? Po ua ia te oe ea le mautinoaga o le faamagaloga o au agasala e le Atua ona o Lona alo pele? Po o e pulunaunau ea ia e ola ia saoloto mai lou mafaufau mai le tete'e atu i le Atua ma isi tagata? Pe o e taunau atu ea i le Atua mo au uo ma ou tuaoi? Pe afai ua e faia se leleiga ma le Atua, ma tuuina atu mea uma ia te Ia, ia e galue loa mo se faasiliga i le galuega e manumaloina ai agaga. (*Manuscript Releases*, vol. 8 pp.212, 213)

Ia avea a tatou upu ma upu agamalu a o tatou saili e manumaloina ni agaga. E finagalo le Atua e aumai le poto ia i latou e saili mo le poto mai le faapogai faalelagi. Ia tatou saili

**Aso Ono\_6**

i avanoa uma e ono maua i a tatou sailiga. Ia tatou mataala i le tatalo, ma ia sauni i so o se taimi e tali atu ma le agamalū ma le ava i so o se tagata e fesili atu pe se ā le uiga o le faamoemoe o lo o i totonu ia te i tatou. Ia tumau le siitia o ō tatou loto i le Atua, ina ia o’o i le taimi e talafeagai ai, e mafai ona tatou tautala atu i le taimi sa’o ma upu talafeagai, ina ne i o tatou faaonoono faalēmigao i tagata na maliu ai Keriso. Pe afai ua faato’ā amata ona e galue mo le Atua, o le Agaga o le Atua lou fesoasoani. O le Agaga Paia na te faaliliuina upu moni uma e te tautala atu ai ma le alofa mo se agaga. O le a iai le mana e vave ai ona malamalama le upu moni pe afai e tautala i lalo o le tā’ita’iga a le alofa tunoa o Keriso. (*The Publishing Ministry*, p. 307)